

THE EPISTLE OF PAUL THE APOSTLE TO THE HEBREWS

1 ¹Doo ánídá' Bik'ehgo'ihí'nań binkááyú nada'iziidí biláhyú daanohwitaa n'í doo alch'idn iltah at'éégo yich'í' yałti' da lék'e, ²Áída' díí iké'yú yołkaalı́ bİYe' binkááyú nohwich'í' yałti', án dawahá bíyéé doleelgo nyintłini, án binkááyú áldó' ni'gosdzán áyíılaahi; ³Bik'ehgo'ihí'nań bits'á'idindláádíí bee án áldó' bits'á' idindláád, ła'íí Bik'ehgo'ihí'nań ye'at'éhi da'áiyihíí ye'at'éé, biyati' nalwodíí bee dágoz'ąą nt'éégo nł'éégo áyíłsigo hadag áyíłsi; dabízhá nohwinchó' íí nohwá yidnłkoqdá, da'tisé goz'ąáyú Ízisgo At'éhi bigan dihe'nazhinéégo dahnesdaa; ⁴Christ, Bik'ehgo'ihí'nań bİYe' nłiįhíí bighą bizhi' baa yin'ąą, bizhi'íí Bik'ehgo'ihí'nań binal'a'á yaaká'yú daagolíńíí daabizhi'íí ndi bitisgo at'éé; da'ágát'éégo dabíí yaaká'yú nadaal'a'á bitisgo at'éégo ábi'delzaa. ⁵Bik'ehgo'ihí'nań binal'a'á yaaká'yú daagolíńíí doo hak'i ła' gáyıłnıid da go'íí, Shiye' nłíí, díí jıid' nıtaa síłíí. Ła'íí doo hak'i gánıid da áldó', Bitaa nshıjı doleel, bíhíí shiye' nłiı doleel. ⁶Ła'íí dantsé gozłinihíí ni'gosdzán biká'zhı' nanáides'a'go Bik'ehgo'ihí'nań yaa yałti'go gánıí, Shinal'a'á yaaká'yú daagolíńíí dawa daabokaąh le'. ⁷Bik'ehgo'ihí'nań binal'a'á yaaká'yú daagolíńíí yaa yałti'go gánádo'niid, Binadaal'a'á spirits daanłigo ánýiidłaa, bá nada'iziidíí ko' dahdinahíí daanłigo ánýiidłaa. ⁸Áída' bİYe'híí gáyıłnıi, Bik'ehgo'ihí'nań nłíńíí, doo ngonel'ąą dayú dahazhı' nant'áá doleel; dázhó nł'éégo nant'áá. ⁹Nzhqogo ágot'eehíí nił nzhqo, nchq'go ágot'eehíí nił nchq'; áí bighą Bik'ehgo'ihí'nań, Bik'ehgohınnaahíí hadń nił nakaihíí bitisgo nił goyıłshóq'hií bee hanidıłaa. ¹⁰Ła'íí gánábıłdo'niid, NohweBik'ehń, ni dantsé godeyaadá' ni'gosdzán nín'ąą; yááhíí nigan bee ánłaa. ¹¹Áí bech'ıgowáh; nizhá da'áık'ehgo ánt'éé; áí dénchó' daaleeh, diyágé dénchó' hıleeheí k'ehgo; ¹²Áí ch'id iłhanéılzaahíí k'ehgo iłhanıńléeh doleel, ła'íí łahgo ádaat'ee daaleeh: áída' nihíí da'ágánt'éé, ła'íí doo ngonel'ąą dahıí bee hińnáá doleel, yıłnıi. ¹³Áída' binal'a'á yaaká'yú daagolíńíí doo hak'i ła' gáyıłnıid da go'íí, Shigan

dihe'nazhinéégo síndaa, ni'ina'íi nikett'ááhyú ninínilzhí'. ¹⁴Áí dawa yaaká'dí nadaal'a'áhíi daanliishá, nnee hasdádokahíi yinádaadéz'íi doleełgo odaas'a'ihí?

2 ¹Áí bighá nt'é daadisiits'aaníi dawa baa daagondzaągo dávik'eh, dahyúgohíi danko baa daadihi'nah. ²Bik'ehgo'ihí'nań binal'a'á yaaká'yú daagolíníi binkááyú hasdziihíi da'aníi dázhó nđzilgo, ła'íi nchó'go ádaach'it'eehíi ła'íi doo da'ch'idits'ag dahíi da'ái bee koch'í' nanáhi'níiłgo; ³Hagot'éégo bits'á' hahiikeeh, hasdách'igháhíi itisgo nnt'ééhíi doo hádaat'íi dayúgo; áí hasdách'igháhíi nohweBik'ehń dantsé ánniid ni', áidí' hadín daabi'dists'aaníi áldó' da'aníi daaniigo yaa nohwił nanádaagolní'; ⁴Bik'ehgo'ihí'nań áldó' da'aníi niigo godiyihgo be'ígóziníi ch'í'nah ágólaa, ízisgo áná'ol'íiłíi, iltah at'éégo godiyihgo áná'ol'íiłíi áldó', ła'íi dabíi bik'ehgo Holy Spirit kainé'íi bee hasdách'igháhíi yaa nanágołní'. ⁵Ni'gosdzán begonáhíi baa nagohiilní'íi Bik'ehgo'ihí'nań binal'a'á yaaká'yú daagolíníi doo yedaabik'eh doleełgo yaa godin'ąą da. ⁶Łah dahgoz'ąagee ła' gáníigo yaa nagolní', Nnee daat'éégo nt'é bighá baa natsíńkees nt'éé, nnee nliiníi daatéégo nt'é bighá binádín'íi? ⁷Ninal'a'á yaaká'yú daagolíníi dé't'ihézhí' dábach'í'yú át'éégo ánlaa; ízisgo at'éégo ła'íi daach'idńsigo bá ágonlaa, nant'ánchez'ah bik'edín'ąahíi k'ehgo, ła'íi dawahá ánlahíi yebik'ehgo nńłtíi. ⁸Dawahá yebik'ehgo bit'ááhyú núné' ni'. Dawahá yebik'ehgo nyintłíidá, dała'á ndi doo ágodihgo da yebik'ehgo nyintłíi ni'. Áidá' k'adíi dawahá yebik'ehíi doo hwahá daahiłtséh da. ⁹Áidá' Jesus daanéel'íi, Bik'ehgo'ihí'nań binal'a'á yaaká'yú daagolíníi dé't'ihézhí' dábach'í'yú át'éégo alzaa, Bik'ehgo'ihí'nań biłgoch'oba'íi bee nnee dała'á daantłíige ba da'itsaahíi yilíh doleełgo biniigonł'éégo daztsąą; áí bighá nant'ánchez'ah bik'edot'ąahíi k'ehgo ízisgo at'éégo ła'íi daach'idńsigo bá ágólzaa. ¹⁰Bik'ehgo'ihí'nań bighá dawahá daagolíníi, dawahá áyíilaahíi bichągháshé łąągo bits'á'idindłáád goz'ąą yune' ha'áyihińiilgo, hasdách'igháhíi begodeyaago yebik'ehíi biniigodilńéhíi bee dázhó nnt'éégo ábidoliłgo dávik'eh. ¹¹Hadile'íi ła'íi hadaadeszaahíi dała'á yits'á'dí' daanlii: áí bighá doo yik'e ídaayándzigo shik'íyú daayilńii, ¹²Gáníigo, Shik'íyú naa bił nadaagoshní' doo, daanokaąahíi ła'at'ééyú na'ihénsigo ha'dish'aah. ¹³Áidí' gánádo'niid, Dabízhá ba'oshíi. Áidí' hananádzii, Kúnko, shíi hik'e chągháshé Bik'ehgo'ihí'nań shaa yinilíi bił daanshłíi. ¹⁴Áík'ehgo áí chągháshéhíi bidíł hik'e bits'í daagolíłhíi k'ehgo bíi áldó' ágádelzaa; bíi datsaahíi bee, da'itsaah yebik'ehń, ch'iidn nant'án, da'íłíi dołchiil doleełhíi bighá; ¹⁵Ła'íi hadín da'itsaah yeneldzidhíi bighá bi'ihí'na' danes'ąądzhi' isnah daanliiníi hasdáyidonłgo. ¹⁶Da'aníigo Bik'ehgo'ihí'nań binal'a'á yaaká'yú daagolíníi ye'adaat'éhi doo ye'at'éégo ádelzaa da; áidá' Abraham bits'á'dí hadaalışchiiníi ye'at'éégo ádelzaa. ¹⁷Áík'ehgo Bik'ehgo'ihí'nań bá na'idziidgee okaąah yebik'ehi da'tiséyú sitíni biłgoch'oba'go ła'íi begondłíidgo hileehíi bighá bik'isyú ye'at'éhi dawa bee ábidilne'go dávik'eh, nnee binchó'íi bá bidíł yee nahíniil

doleelgo. ¹⁸Dabíí biniigodelzaagee nabídinestaqadhíí bigha, hadíí nabída'dintaahíí yich'odaanīihi at'ée.

3 ¹Áí bigha shik'íyú, Bik'ehgo'ihí'nań báhadaadeszaahíí daanohtíni, yaaká'dí' itah nohwiká ánniidíí, Christ Jesus, da'ohiidlaq daahiidleehíí bigha des'a'íí nlni, la'íí nohwi'okaqah yebik'ehi da'tiséyú sitíni nzhqogo baa natsídaahkees; ²Áń habiłtíiníí begondlıjıdgo yá na'iziid, Moses Bik'ehgo'ihí'nań bichagháshé nłt'éeego yinádéz'iiníí k'a'at'éeego. ³Kıh ágole'íí kıh ágolzaahíí bitisgo daach'idnıshıhı k'ehgo Moses bitisgo Jesus daach'idnıshıhı yik'eh sitıjı. ⁴Kıh dała'á gon'áqago nnee la' ádaagozlaahi at'ée; áídá' Bik'ehgo'ihí'nańhıhı dawahá áyılılaahi at'ée. ⁵Moses Bik'ehgo'ihí'nań yána'iziidi nlıjgo, Bik'ehgo'ihí'nań bigowa biyi' nłt'éeego na'iziidgo yunáásyú ch'ı'nah doleełıí dabıntsédá' yaa nagolnı' lək'e; ⁶Áídá' Christ-hıı Bik'ehgo'ihí'nań biYe' nlıjgo Bik'ehgo'ihí'nań bigowa dágoz'aq nłt'éeego yinádéz'ıjı; dąngont'ı'zhı' doo nohwiini' hah dago la'ıí nohwił daagozhóqogo yaaká'yú dahazhı' ihı'naahıı ndaahóndlıihıı daahóntayúgo, neé Bik'ehgo'ihí'nań bichagháshé itah daandlıjı. ⁷Áí bigha Holy Spirit gánıfıhı k'ehgo ádaanoht'ee, Díı jıjı biyati'ıí daadohts'ago, ⁸Da'igolııyú Israel hat'ı'ıí nabídinestaqad n'dá' Bik'ehgo'ihí'nań doo bikısk'eh ádaadzaa da n'ıí k'ehgo doo nohwıjıı nłt'ızgo ádaanohtsı da le'. ⁹Ágeee daanohtwıtaa n'ıí nashıdaanestaqadgo shııdaagołsıjıd, dizdin łegodzaahıı biyi' ıltah at'éeego ánashıt'ııhıı daayıłtsaq. ¹⁰Áí bigha áı daalınołt'ııhıı doo baa shıł gozhóq dago gádénıid, Dábik'ehn bıjıı biyi'dı' ndaahıłsıih, shıkısk'eh ch'ogaałıı doo yııdaagołsı da. ¹¹Áí bigha shágóchıjıdgo shıt'á dahdidıshnııd'á gádénıid, Shıhá'idzoł yune' doo okáh at'ée da. ¹²Áık'ehgo ıdaa daagonohdzaq, shık'ıyú, dah lək'eyúgo ncho'ıí hik'e doo odlaq dahıı nohwıjıı yune' bengonyáá lək'eyúgo, Bik'ehgo'ihı'nań hınáhi dąnko bits'á' dahdidohkahi at'ée. ¹³Dawa jıjı ıldag yádaaltı', díı jıjı t'ah nohwıch'ı' bıł ch'ı'otaqadá'; dah lək'eyúgo ncho'ıí k'ızé'ıdıłteehıı bee dąnko nohwıjıı nłt'ız hıleeh. ¹⁴Dantsé Christ bada'osiidlı'ıí danes'aqdzhı' daahóntayúgo Christ ye'at'ehı bee itah daahiidleeh; ¹⁵Gánohwiłdı'niıd'á, Díı jıjı biyati'ıí daadohts'ago doo nohwıjıı nłt'ızgo ádaanohtsı da le', Israel hat'ı'ıí Bik'ehgo'ihı'nań doo yıkısk'eh ádaadzaa da n'ıí k'ehgo. ¹⁶La' daidezts'aqadá' doo yıkısk'eh ádaat'ee da ni', áídá' Moses Egyptdı' ch'ınnılıı doo dawa ágádaadzaa da lək'e. ¹⁷Daa daat'ehı Bik'ehgo'ihı'nań doo bıł gozhóq dago ádaayıłsıgo dizdin łegodzaa lán? Nnee ncho'go ánadaat'ıjgo da'igolııyú nanezna' n'ıí shı ya'? ¹⁸Daa daat'ehı bich'ı' Bik'ehgo'ihı'nań bıł'á dahdidılnııd'á gánııid, Shıhá'idzoł yune' doo ohkáh at'ée da? Doo da'odlaq dahıı zhá áyılñıı. ¹⁹Áık'ehgo bıdaagonlıjı, doo da'odlaq dahıı bigha doo ákóne' okáhgo da.

4 ¹Áí bigha halaq baa daagondzaq le', dah lək'eyúgo Bik'ehgo'ihı'nań bıh'á'idzoł yune' nkáh doleełgo nohwaa det'aq n'ıí t'ah bıł ch'ı'otaqadá', nohwıı la' dąnko dábıch'ı' ndohkahi at'ée. ²Yati' baa gozhónı bee nohwıch'ı' yá'iti'; daanohtwıtaa n'ıí alđó' bıch'ı' yá'iti' ndı

daidezts'aaníí doo daayosdlaąđ dahíí bighą doo bich'odaazni' da. ³Hadíí da'osiidlaąđíí zhá áí há'idzołíí yuñe' ohiikáh, áí há'idzołíí Bik'ehgo'ihí'nań áńígo gánńiid, Shágóchjįdgo shitł'a dahdidishńiidá' gádéńiid, Shihá'idzoł yuñe' doo okáh át'ée da: ni'gosdzán nnit'ąądá Bik'ehgo'ihí'nań ánát'įįłíí ąął łalzaa ndi áńńiid. ⁴Łahgee gosts'idiskaaníí bijį yaa yałti'go dahgoz'ąą gáníigo, Gosts'idiskaaníí bijį Bik'ehgo'ihí'nań binasdziid n'íí ni'inziidgo hanayoł lęk'e. ⁵Áidí' kú dahnágost'ąą gáníigo, Shihá'idzoł yuñe' doo okáh át'ée da. ⁶Áík'ehgo ła' t'ah ákóne' okáhíí bá goz'ąą; áídá' nnee dantsé bich'į' yá'ti' n'íí doo daayosdlaąđ dahíí bighą doo hak'e ha'ákai da: ⁷Áík'ehgo ńzaad ogoyááhíí bikéd'go łah jįį Bik'ehgo'ihí'nań nnágon'ąą, David binkááyú gánńiidgo, Díí jįį biyati'íí daadohts'ago doo nohwjįí ntł'izgo ádaanohsį da le'. ⁸Há'idzołíí Jesus bee baa daagodez'ąáyúgo, bikéd'go Bik'ehgo'ihí'nań łah jįį doo gánádi'ńii da doleeł ni'. ⁹Áí bighą Bik'ehgo'ihí'nań bichągháshé daanliiníí há'idzołíí t'ah bá goz'ąą. ¹⁰Dahadńń há'idzołíí yuñe' ha'ayááhíí dabíí binasdziid n'íí ni'inziid, Bik'ehgo'ihí'nań binasdziid n'íí ni'inziidhíí k'ehgo. ¹¹Áí bighą halaą, áí há'idzołíí yuñe' ha'áhiikáhíí bich'į' dahdaanldoh le', doo ágáhiit'įį dayúgo, doo da'odlaą da n'íí k'ehgo dánko nanádnkaatí at'ée. ¹²Bik'ehgo'ihí'nań biyati'íí hińáhi łá'íí dážhó nalwodi at'ée, bésh be'idiltłishé dá'įłts'ą' deniíhíí bitisgo deníni at'ée, dagózhó yuyahyú na'gizh, koyi'siziiníí, kospirit łenehenlááyú, łá'íí ihadaadit'aaníí iwoł łenehenláágee, akú aná'ogish, konatsekeesí łá'íí kojíí biyi' ágot'eehíí koł ch'f'nah áyłsį. ¹³Ni'gosdzán biká' daahįnaahíí dała'á ntįįgee Bik'ehgo'ihí'nań doo bits'ąą nant'į'hi at'ée da, áídá' bił iłk'įdaanldoqhíí doo nt'é binadzahgee bił łe'eskaad dago, dawahá bił ch'f'nah daanłįį. ¹⁴Áík'ehgo Jesus, Bik'ehgo'ihí'nań biYe', yaaká'yú bił onágodzaahíí, nohwi'okaąh yebik'ehi da'tiséyú sitíni ízisgo at'éhi nohwá sizįigo, halaą da'ohiidlaą daan'ńiihíí nłdzilgo daahóntą' le'. ¹⁵Nohwi'okaąh yebik'ehi da'tiséyú sitíni doo nadaanlwod dagee nohwaa tét'ii; nanohwínáda'dintaahíí k'ehgo bíí ałdó' dawa bee nabí'dinestaąđ ndi doo hak'e ni'isi da. ¹⁶Áí bighą halaą doo t'ąązhį' daashiijeed dago Bik'ehgo'ihí'nań biłgoch'oba'íí dahsdaagee nnáhiikah le', nohwaa nách'obah doleełgo, łá'íí dawahá doo bídaanel'ąą dagee biłgoch'oba'íí bee nohwich'onńii doleełgo.

5 ¹Okaąh yebik'ehi da'tiséyú sinilíí dała'á ntįįgee nnee bitahd'í haltńihíí, Bik'ehgo'ihí'nań zhinéego ágot'eegee nnee yá sizįigo, Bik'ehgo'ihí'nań ye'okaąhgo dant'éhéta yaa yihiniłgo, łá'íí ncho'go ánách'ot'įįłhíí bighą ye'okaąhíí nayiłtseedgo yaa yihiniłgo nniltįį. ²Áń hadńń doo goyáą dahíí łá'íí doo nłdzilgo daahikáh dahíí yaa ch'oba'go nayik'f'iziidgo yígółsį; dabíí ndi doo nłdzil dago bich'į' nágodidáhíí bighą. ³Áík'ehgo nnee nda'įłsihíí bighą ye'okaąhíí nadaiłtseedgo Bik'ehgo'ihí'nań yaa hińiiłhíí k'ehgo bíí ndi ni'įłsihíí bighą ágánát'įįhgo goz'ąą. ⁴Nnee doo łá' dabíí ízisgo at'éego okaąh yebik'eh nłįigo ha'įdilteeh da, áídá' Bik'ehgo'ihí'nań habiłtįyúgo zhá,

Aaron hayilt'ihíí k'ehgo. ⁵Áík'ehgo Christ áldó' dabíí ízisgo at'éégo okaqah yebik'ehi da'tiséyú sitíni hileehgee doo ha'idolt'ij da, áídá' hadín, ShiYe' nííí, díí jiid' nitaa sííí, bíłn'niidíí án habilt'ij. ⁶Lahgee dahnágost'aagee gábíłn'niid, Melkízedek okaqah yebik'eh n'íí k'ehgo doo ngonel'aqzhi' okaqah yebik'ehi nííí. ⁷Christ ni'gosdzán yiká' nagmaadá' dážhó chaat' okaqahgo bináá tú nadaazłij l'ek'e, da'itsaahíí bits'á'zhi' hasdábíłteeh yínel'aqahíí náyokaqahgo yich'ij' okaqah, áík'ehgo Bik'ehgo'ihí'nań yidn'sihíí bigha' bidiits'ag; ⁸Bik'ehgo'ihí'nań biYe' nłij ndi goyéégo bich'ij' nagoyááhíí bee biTaa an'ihíí yikísk'eh at'éégo yígółs'jid; ⁹Áík'ehgo dážhó nłt'éégo ábi'delzaago hadíí daabi'dits'agíí hasdách'igháhi doo ngonel'aq dahíí begodeyáhi silij; ¹⁰Áń, Melkízedek n'íí k'ehgo okaqah yebik'ehi da'tiséyú sitíni nííí doo, bíłn'niigo Bik'ehgo'ihí'nań habilt'ij. ¹¹Áń łáqago baa nadaagohiilni' ndi nohwił nagoch'ilni'híí nyee, doo nłt'éégo daadohts'ag da daasol'ijhíí bigha. ¹²K'adyúgo iłch'ígó'aahíí daanohłij le'at'éhi, da'ágát'éé ndi Bik'ehgo'ihí'nań biyati' dabígózinéhíí dahadín nohwił ch'ínágonot'áah; mé' k'ehgo ibe' zhá daidlaaníí nádaasohłij, daanesoyáq ndi hidán nłt'izíí doo daahsáq da laq. ¹³Dała'á daant'ijgo hadín ibe' zhá yidlaaníí dábik'ehyú ágot'ee zhin'éégo iłch'ígót'aahíí doo nłt'éégo yígółs' da, mé' k'ehgo at'ééhíí bigha. ¹⁴Áídá' hidán nłt'izíí bádaayánhíí bá álzaa, áí nłt'éégo ánádáát'ijidhíí bigha hadíí nzhooníí hik'e hadíí ncho'íí yídaagółs'jid.

6 ¹Áí bigha halaq, Christ baa iłch'ígót'aahíí dantséhíí godezt'í'dí' yunáasyú dahnádihiikáhgo bádaayán bíł ch'ígót'aahzhi'go dahdihikáhgo nohwi'odla' nłdzil hileeh; ánádaahiit'ijhíí da'íłínéhíí bits'á'zhi' ádaahii'ne'dá' nohwi'odla' bee Bik'ehgo'ihí'nań bich'ij' dahsiikáhíí k'ij bit'ááh ni'it'aahíí k'ehgo at'éé, áík'ehgo it'ááh nda'sit'aaníí k'ehgo doo dayúweh áí zhá bee iłch'ídaagont'aah da le'. ²Okaqah k'ehgo tach'idígisíí, okaqah k'ehgo koká' ndaach'idil'niihíí, nanezna'íí nádikáhíí łá'íí Bik'ehgo'ihí'nań nnee dahazhi' yándaago'a'íí, áí zhá bee doo dákozhá iłch'ídaagont'aah da le'. ³Bik'ehgo'ihí'nań yee nohwaa godin'áqyúgo, bádaayán bíł ch'ígót'aahíí k'ehgo iłch'ídaagont'aah. ⁴Nnee yati' baa gozhóni łahn yídaagółs'jid n'íí, yaaká'dí' kaa hi'né'íí daizłij n'íí, Holy Spirit baa godet'aq n'íí, ⁵Bik'ehgo'ihí'nań biyati' nłt'éhi, łá'íí binawodíí bee ízisgo ánágot'ijhíí yunáasyú begoz'aaníí daizłij n'íí, ⁶Bits'á'zhi' ádaadzaa l'ek'eyúgo doo hagot'éégo bincho'íí yits'á'zhi' ánádaa'ne'zhi' bíł nnách'ikáhi at'éé da; bijíí yune' Bik'ehgo'ihí'nań biYe' tsij'łna'áhi biká'zhi' yínáadaayiheskał łá'íí baa yágosigo ánádesdlaahíí bigha. ⁷Ni' biká' nanágot'ijhíí łedihich'aadí' hadín nłt'éégo ádaayłsiníí bá hajéedyúgo, Bik'ehgo'ihí'nań bits'á'dí' baa gozhóoníí hileeh. ⁸Áídá' hosh hajéedyúgo ni'ihíí yó'odit'aah, déncho'go bá ha'idziizhi' zhá bá goz'aq; didlidzhi' zhá bá onágot'í'. ⁹Nohwił daanohshóni, áík'ehgo yádaahiilti' l'ek'e ndi, nohwił doo áík'ehgo ádaanoht'ee dago nohwídaagosilzjid, hasdách'igháhi bíł goz'áni be'ádaanoht'ee. ¹⁰Bik'ehgo'ihí'nań dábik'ehyú at'éégo, bá nada'ohsiidíí doo yaa d'inah da, łá'íí bizhi'íí nohwił nzhohq'íí bigha bichagháshé bich'odaasoni'íí áí áldó' doo yaa d'inah da; áí t'ah

ágádaaht'íi. ¹¹Díínko nohwá hádaaahiit'íi, dała'á notíjgee da'áfk'ehgo ágádaaht'íigo doo nohwił nagoki dago yaaká'yú dahazhí' ihi'naahíi ndaahołíi le', nohwi'ihí'na' bengonyáázhi': ¹²Áídí' doo nohwił daagoyéé da le', áídá hadíi bi'odla' daagolíigo ła'íi nyee ndi yił dahildóhgo Bik'ehgo'ihí'nań bąngon'áanıi bíyéé doleełíi beda'ol'íi le'. ¹³Bik'ehgo'ihí'nań Abraham yich'í' hadziigo yąngon'ąáda', dabíi bitisgo at'ééhíi doo ła' dahíi bighą dabíi bee bitł'a dahdidilniigo, ¹⁴Gábílnniid, Da'anii dayúweh niyaa gozhóq doleełgo ánihosh'ni, ła'íi nits'ą'dí' ła'ągo hanálinolt'íigo ádishlii. ¹⁵Áík'ehgo Abraham nízaad godezt'igo yidag at'ééda' nt'é bee bąngot'aanıi begolzaa lęk'e. ¹⁶Nnee da'anii dabíi bitisgo at'ééhíi biláhyú bitł'a dahnáaadilni: hagee łahada'dit'áhgee da'anii ch'niigo kotł'a dahch'idilniiyúgo łahada'dit'áh n'íi bengonáh. ¹⁷Áík'ehgo Bik'ehgo'ihí'nań, nnee yee yąngon'áanıi bá begolne'íi yenagoshchiiníi doo łahgo ánáidle' dago dábigóziigo bił ch'í'nah áyíłsi hat'íigo, ái da'anii áníigo bitł'a dahdidilni ni': ¹⁸Áík'ehgo Bik'ehgo'ihí'nań nnee nt'é yee yąngon'ąágo, ła'íi da'anii áníigo bitł'a dahdidilniigo, ái naki goz'ánihi doo łahgo ánáidle' da; ái bee hadag ánohwi'dilzi, néé Bik'ehgo'ihí'nań bitł'áahzhi' daatsíihikíihíi hasdáhiikáhíi nohwádihyú begoz'aanıi ndaahóndliihíi ntl'izgo daahóntą' doleełgo: ¹⁹Ái ndaahóndliihíi bighą yaaká'yú godiyłhgo goz'ąą yune' bigizhgee da'denbáalıi bine'yú beha'ągót'íi: ²⁰Jesus áđih ákone' nohwá ha'ayáá, áń Melkizedek okąąh yebik'eh n'íi k'ehgo okąąh yebik'ehi da'tiséyú sitíni silii.

7 ¹Melkizedek holzéhi, Salem golzeegee ízigo nant'án nłni, Bik'ehgo'ihí'nań da'tiséyú át'éhi bi'okąąh yebik'ehi nłii lęk'e; áń Abraham ízigo nant'án daanłni yich'í' nagonłkaadgo yaa gonesnaadí' nádaaldá' yidedeyaago, Niyaa gozhóq le', yiłnni; ²Áígee ayihe'nılıi goneznányú iłk'í'nılıi dała'ągo sinılıhíi Abraham Melkizedek yaa yinil ni'; dantségee bizhi'íi, Bíi nant'aahíi bits'ą'dí' nłt'éégo ágot'éhi, golzeego ágolzee, iké'geehíi, Salemgee ízigo Nant'án, ái, Bíi nant'aahíi bits'ą'dí' iłch'í'gont'éhi, golzeego ágolzee; ³Bitaa, báądoo bigózi da, yits'ą'dí' dihezná'íi ła'íi hadí' dihezná'dí', hazhí' nehena'zhi' alđó' doo bigózi da; áídá' Bik'ehgo'ihí'nań bi'Ye' k'ehgo dahazhí' okąąh yebik'ehíi nłii. ⁴Díi baa natsídaahkees, ái nneehíi dązhó dák'a'at'éhi lęk'e, Abraham, bits'ą'dí' daadihe'na'i, ayihe'nılıi goneznányú iłk'í'nılıi dała'ągo sinılıi yaa yinil lęk'e. ⁵Levi bits'ą'dí' hadaahishchiiníi bitahd'í' okąąh yedaabik'ehi ádaabi'deszaahíi, bik'íi daanłni bíyééhíi goneznányú iłk'í'nılıi dała'ągo sinılıi, tithes holzéhi, bich'í' nadaayiníiigo begoz'aanıi bikísk'eh bąnagogz'ąą lęk'e, bik'íi daanłni alđó' Abraham bits'ą'dí' hadaahishchii ndi: ⁶Áídá' Melkizedek, Levi bits'ą'dí' hadaahishchiiníi doo bitahd'í' nłii da ndi Abraham tithes yaa yihiniil lęk'e, ła'íi Abraham Bik'ehgo'ihí'nań ba'den'ąáhíi Melkizedek, Niyaa gozhóq le', bilnni. ⁷Díínko doo baa łahach'it'áhi at'éé da, dahadıi itisgo at'ééhíi, da'ich'í'go at'ééhíi, Niyaa gozhóq le', yiłnihi at'éé. ⁸Díi jiiyúgo nnee nanne'go bągoz'aanıi tithes bich'í' nadaahi'niil, áídá, Melkizedek t'ah hiąaadá', dahazhí' hiąaago baa na'goni'íi, tithes bich'í' nadaahi'niil.

⁹Gádishnii le'at'éhi, Levi, tithes bich'i' nahi'niikií, Abraham Melkízedek tithes yich'i' nayiheznilií bee tithes nayiheznilií ga'at'ée. ¹⁰Melkízedek Abraham yidedeyaadá, Levi itah nliinii ga'at'ée, doo hwháá goleeh da ndi Abraham bits'á'dí'go hinaahíí bigha. ¹¹Áík'ehgo Levi hat'í'íí bitahdí' okaqah yedaabik'ehíí bee dawa nt'ée silji lék'eyúgo, (áígee Jews daanliinii begoz'aaníí bee bángot'aa ni,) hant'é bigha okaqah yebik'ehíí la' nanádleeh, Melkízedek bik'ehgo at'éhi, doo Aaron at'éehíí k'ehgo da? ¹²Okaqah yebik'ehi dabíntségo golíinii k'ihzhi' nánálteeh lék'eyúgo hagot'éégo goz'aaníí aldó' lahgo anánáln'e hi at'ée. ¹³Hadín díí bee baa na'goni'íí lahgo hat'í'íí nlii, áí hat'í'íí bitahdí' dant'éhéta be'okaqahíí Bik'ehgo'ih'i'nań baa ch'iniil goz'aągee doo la' n'iziid da. ¹⁴NohweBik'ehń Juda hat'í'íí nliigo bígózi; áí hat'í'íí Moses doo hak'i yaa hadzii da ni', okaqah yedaabik'ehi yaa nagosni'dá. ¹⁵Díńko dayúwehyú nt'ée go bígózi, okaqah yebik'ehi Melkízedek k'ehgo at'éhi nánásdlíí, ¹⁶Áń doo ni'gosdzán biká' begoz'aaníí bik'ehgo okaqah yebik'ehi silji da, áídá' ih'i'naa doo ngonel'aą dahíí binawodíí bik'ehgo okaqah yebik'ehi silji. ¹⁷Áń baa na'goni'go gáníí, Doo ngonel'aą dazhi' okaqah yebik'ehi nííí, Melkízedek okaqah yebik'eh n'íí k'ehgo. ¹⁸Begoz'aą n'íí doo ndzil dago, doo nt'é bee ánálnéh dago k'ihzhi' bengot'aą. ¹⁹Begoz'aą n'íí doo nt'é nt'ée go łayılaa da ni', áídá' itisgo nt'ehi begodeyaa, áí bee Bik'ehgo'ih'i'nań alhánégo bit'ahgo daahiidleeh. ²⁰Bik'ehgo'ih'i'nań bit'a dahdidilnihií zhá bee Jesus okaqah yebik'ehi silji: ²¹(Ła'i okaqah yedaabik'ehihíí Bik'ehgo'ih'i'nań doo bit'a dahdidilniigo okaqah yedaabik'ehi daasilji da, áídá' Bik'ehgo'ih'i'nań bit'a dahdidilniigo Jesus okaqah yebik'ehi silji; Bik'ehgo'ih'i'nań gábilniid, Shiini' doo lahgo ánáshdle' da doleełgo shit'a dahdidishniigo gádishnii, Doo ngonel'aą dazhi' okaqah yebik'ehi nííí, Melkízedek okaqah yebik'eh n'íí k'ehgo:)) ²²Áík'ehgo áńfídego nohwángot'ááníí, Bik'ehgo'ih'i'nań hik'e Jews daanliinii bíłgo łángot'aą n'íí bitisgo nt'ehi, Jesus bee nohwá hizi'. ²³Okaqah yedaabik'eh n'íí nanne'go doo dayúweh okaqah yebik'ehi daanlii dahíí bigha łáągo daanlii ni': ²⁴Áídá' Jesus dahazhi' hinaago dahazhi' okaqah yebik'ehi nlii. ²⁵Áí bigha bíí binkááyú Bik'ehgo'ih'i'nań yaa hikáhíí dąngonel'aązhi' hasdáyihiniíí, dávik'ehn yá ná'okaąhgo dahazhi' hinaa. ²⁶Okaqah yebik'ehi da'ágát'ehi nohwá nt'ée, dilzini, doo k'ize'át'ehi da, dązhó nt'ehi, ncho'go ádaat'eehíí yits'á'zhi' nííni, yaaká'yú ágot'eehíí bitisyú ízisgo at'ée go ábi'delzaahi; ²⁷Áí okaa yebik'eyi da'tisyú daanlíni dawa jii, ntsé dabíí ncho'go ánadaat'ííííí áídí' nnee ncho'go ánadaat'íííí bigha dant'éhéta nadaiłtseedgo yeda'okaąhgo Bik'ehgo'ih'i'nań baa nanádaahi'niil, áídá' Jesus doo ágánát'ííí bik'eh da, dabíí Bik'ehgo'ih'i'nań ya'ídelłiídá' dałahńdige dawa łayılaahíí bigha. ²⁸Nnee doo daanłdzil dago nda'łsiih ndihíí okaqah yebik'ehi da'tisyú daanlíni daaleehgo begoz'aaníí bik'ehgo hahi'niil; áídá' begoz'aaníí bikédí'go bengonyáągo Bik'ehgo'ih'i'nań bit'a dahdidilniłhgee ánniídí k'ehgo biYe' halłíí, án hadelzaa dahazhi'.

8

¹Baa yadaahiilti'íí díńko ádaalıdi'nii: Okaqah yebik'ehi da'tisyú sitini ágát'ehi nohwá nlii, án yaaká'yú Ízisgo At'ehihi nant'aągo

dahsdaagee dihe'nazhíneégo dahnezdaa; ²Yaaká'yú godiyihgo goz'aaníí, gowałgai biyi' da'ch'okaqahíí da'aníihíí án yiyi' na'iziid; áí biyi' da'ch'okaqahíí Bik'ehgo'ihí'nań ngonáni, doo nnee ngon'áni da. ³Okaqah yebik'ehi da'tiséyú daanliiníí dała'á ntíígee Bik'ehgo'ihí'nań dant'éhéta baa hiné'go ła'íí dant'éhéta nadaitseedgo ye'okaqahgo baa hiniilgo hahi'niił: áí bigha díí okaqah yebik'ehihíí ałdó' nt'éhéta Bik'ehgo'ihí'nań yaa yiné'hi at'éé. ⁴Díí ni'gosdzán biká' naghaayúgo doo okaqah yebik'ehi nlił da doleeł ni', begoz'aaníí bik'ehgo okaqah yedaabik'ehi ilk'idá' Bik'ehgo'ihí'nań yeda'okaqahíí yaa daayihiniilíí bigha; ⁵Áí yaaká'yú da'ch'okaqahgo goz'aaníí bił dálełt'eego yiyi' nada'iziid, yaaká'yú ágot'eehíí bichagosh'ohíí k'a'at'éé: Moses k'ad gowałgai biyi' da'ch'okaqahíí ngo'áahdá' Bik'ehgo'ihí'nań bił ch'ígó'aahgo gábihniid, Dził biká'yú be'elzaago nił ch'í'nah ashłaa n'íí da'áik'ehgo ádnííł. ⁶Okaqah yedaabik'eh n'íí binadaasdzid n'íí bitisgo at'éégo Jesus baa det'aa, Bik'ehgo'ihí'nań hik'e Jews daanliiníí bił łańgot'aa n'íí k'adíí ła'ihíí itisgo at'éhi Jesus bee nohwá hizi', áí łańgot'aa n'íí yee nohwáńgon'áá n'íí k'adíí itisgo at'éhi bengot'aa. ⁷Dantsé łańgot'aa n'íí ilch'í'zaa lęk'eyúgo, iké'geehíí doo bannagóst'aah da doleeł ni'. ⁸Israel hat'íi doo dawahá nt'éé áiléh dago Bik'ehgo'ihí'nań yígotsiidá' gánniid, Israel hat'ííí Judah hat'ííí biłgo ánífégo bándaağonsh'aahíí begonáh ndi at'éé: ⁹Bits'áđí' daadihezna' n'íí bádih hishaatgo Egypt golzeedí' bił ch'ínáńséhíí bijii bąngone'áá n'íí doo ga'at'éhi da; áídá' bąngone'áá n'íí doo dayúweh ye'adaat'ee dahíí bigha doo dayúweh binádaadesh'íí da ni', nii, Bik'ehgo'ihí'nań. ¹⁰Áí bech'ígóyááhíí bikédí'go Israel hat'ííí bił łańdaagonsht'aah doleeł gádishniigo, Begosił'ááníí biini' biyi' odaahishniil doleeł, ła'íí bijii biká' ádaagoshłe' doleeł, Bik'ehgo'ihí'nań bá nshłi doleeł, ła'íí bíí shichagháshé doleeł: ¹¹Nnee dała'á ntíígee bit'ahdı' gólíiníí ła'íí bik'isn doo yił ch'ídaago'aah da doleeł, Bik'ehgo'ihí'nań bíğonsł, daaniigo: nnee dawa, doo ízisgo ádaat'ee dahíí ła'íí ízisgo ádaat'eehíí shídaagołsi doleełhíí bigha. ¹²Doo bik'ehyú ánádaat'íił da ndi baa ch'oshba' doleeł, nda'ítsiihíí ła'íí nch'og'go ánádaat'íił doo dayúweh bínadaashniil da doleeł, nii, Bik'ehgo'ihí'nań. ¹³Ánífégo łańgont'aaníí begodeyaa, nniidá' dantséhíí k'ihzhí' nniiné'. Nt'é k'ihzhí' nniiné'híí ła'íí sá'á hileehíí bech'ígowáhi at'éé.

9 ¹Dantségee łańgot'aaníí ndi hagot'éégo Bik'ehgo'ihí'nań ch'okaqahíí dahgoz'aa, ła'íí ni'gosdzán biká'gee da'ch'okaqah goz'aaníí gólíí lęk'e. ²Gowałgai biyi' da'ch'okaqahíí alzaa; dantsé goz'aa yune' ik'ah k'ó'íí biká' dahnásiłt'áhíí, ła'íí biká'idáné, ła'íí bán Bik'ehgo'ihí'nań bidáhgee nna'né'ihíí biká' dah sinil, áí godiyihgo goz'áni holzee. ³Nakigee dáádíłtsosíí bine'zhineégo biyi' da'ch'okaqahíí nągost'aa, áí da'tiséyú godiyihgo goz'áni holzee; ⁴Áí biyi' its'aa óodo be'alzaahi biyi' hikągolchini didliđí si'aa, ła'íí tsjhón dahot'éhé óodo biká' alzaahi Bik'ehgo'ihí'nań bengon'ááníí besi'áni ałdó' si'aa, áí biyi' tús óodo be'alzaahi bán manna holzéhi biyi'

siné'hi, ła'íí Aaron bigish bihitsoo gozłíni, ła'íí tséé nteelíí Bik'ehgo'ihí'nań yegos'aaníí biká' dahgoz'áni sinil ni'; ⁵Ła'íí bit'a' golíínií óodo be'alzaahi bits'á'idindláádíí tsjhón nel'aqđí' nadaazi, áí Bik'ehgo'ihí'nań biłgoch'oba' begoz'aaníí biká'zhí' bit'a' bitisgo odaaheznilgo; áí k'adíí doo dawa nł't'éégo baa nadaagohiilni' bik'eh da. ⁶Áí dawa ilch'í'hilzaadá' okaqah yedaabik'ehi gowałgai dantsé goz'aq yune' onakáh, Bik'ehgo'ihí'nań da'ch'okaqah zhin'éégo nada'iziidgo. ⁷Áídá' iké'gee nágot'aq yune' okaqah yebik'ehi da'tiséyú sitíni zhá dał'a' lenágodáhgee ákóne' onadáh, dił da'ádih lék'eyúgo doo hagot'éégo ákóne' owáh da; áí diłíí Bik'ehgo'ihí'nań yich'í' nnáyikáhgo ye'okaqah, dabíí ídá'okaqah ła'íí nnee nda'ílsiihíí yá ná'okaqah: ⁸Áí bee díínko Holy Spirit bił ch'í'nah áyíłaa, gowałgai biyi' da'ch'okaqahíí dantséhií t'ah goz'aqadá', yaaká'yú godiyihgo goz'aaníí da'aniihíí ha'ágót'í'íí doo hwahá ch'í'tíjiih da: ⁹Áí benagowaadá' áí gowałgai biyi' da'ch'okaqah n'íí yaaká'yú da'anii da'ch'okaqah goz'aaníí be'elzaa lék'e; áígee nt'éhéta yeda'okaqahíí nadaitseedgo Bik'ehgo'ihí'nań yaa nádaayihí'niil lék'e ndi hadín áík'ehgo okaqahíí doo hagot'éégo nł't'éégo ábile' da, doo hagot'éégo nł't'éé ch'ileehíí yígolsiih da; ¹⁰Díí dahgoz'ánihíí da'ch'iyaaníí, da'ch'idlaaníí, da'okaqahgo tá'dígis yee iltah ánáda'ol'íjiií ni'gosdzán biká' ágot'éhi ye'ánáda'ol'íjiií dahgos'aq lék'e, dawahá nł't'éé hileeh bengonyáázhi'. ¹¹Áídá' Christ, okaqah yebik'ehi da'tiséyú sitíni nłjigo, nzhqogo ágot'éhi begonáhíí yił nyáá, yaaká'yú da'ch'okaqah goz'aq itisgo at'éhi, itisgo nł't'éhi, doo nnee áyíłaa dahi, ni'gosdzán biká'gee doo nt'é bee alzaa dahi yi'yi' okaqahíí yee bik'eh; ¹²Áí godiyihgo goz'aq yune' Christ dał'ańdi ha'ayáá gee dawa ła'yiilaa, doo gantł'íze bidííí, magashi zhaazhé bidííí ha'áyííkáq da, dabíí bidííí bee hasdách'igháhi doo ngonel'aq dahíí nohwá ágólaa. ¹³Dóoli bidíí, gantł'íze bidíí, ła'íí magashi zhaazhé bi'aadihíí bi'íłch'íih nnee dancho'íí biká' nas'níłíí hadakodile' lék'eyúgo; ¹⁴Dázhq itisgo Christ, doo hayú baa daats'idíłhił dago Holy Spirit dahazhi' nliiníí biláhyú Bik'ehgo'ihí'nań yaa ídedet'aqahíí, án nohwinatsekeesí nohwá náidiilkqoh, áík'ehgo doo nt'é bee alneh dahíí doo dayúweh beda'ol'íjii da, áídá' Bik'ehgo'ihí'nań hináhiihíí bá náda'dohsiid. ¹⁵Díí bigħa Bik'ehgo'ihí'nań hik'e nnee bił łangot'aaníí ánúidéhi Christ nohwá sziinií nłjii, án daztsaaníí bee łangot'aaníí dantséhi begoz'aaníí doo yikísk'eh ádaat'ee dahíí hasdáyihiniil, hadíí yich'í' anííhíí bíyéé nyidin'áanıí doo ngonel'aq dahíí yaide'aah doleełhíí bigħa. ¹⁶Hadín bíyéé golíínií hadín nt'é yaidi'aahíí naltsoos yá áyíłaa lék'eyúgo, hadín áyíłaaahíí daztsaqayúgo zhá bíyéé doleeł. ¹⁷Áí naltsoos áyíłaaahíí daztsaqadá' begodolniił; áídá' hadín áyíłaaahíí t'ah hínaayúgohíí naltsoos doo nt'é da. ¹⁸Bik'ehgo'ihí'nań nnee dantsé yágon'áanıí dił begodeyaa lék'e. ¹⁹Bik'ehgo'ihí'nań yegos'aaníí dágon'aqágee Moses nnee dawa yaa yił nagosni'dá' magashi zhaazhé ła'íí gantł'íze bidíí, tú bił nadesziidgo, ighaa łichi'i dasdisgo ádaaszaahíí, ch'il hísop holzéhi beda'istł'qogo dił bee naltsoos ła'íí nnee dawa yiká' yíłta', ²⁰Gáníigo, Bik'ehgo'ihí'nań nohwá ngon'áanıí ilk'idá' begodeyaahíí díí

diłíí be'ígózi. ²¹Da'ágát'éégo Moses gowałgai biyi' da'ch'okaqahíí ła'íí its'aa beda'okaqahíí dawa diłíí biká' yíłta'. ²²Begoz'aaníí bik'ehgo dásdozhá dawahá dił bee hadaadelzaa; doo nt'é ye'okaqahíí zesdijí da lék'eyúgo konchq'híí bigha doo kaa nágodet'aahi at'éé da. ²³Yaaká'yú goz'aaníí k'ehgo yeda'il'iiníí ágát'éégo hadaadelzaago dávik'eh; áidá' yaaká'yú ágot'eehíí nt'é yedaokaqahíí áí bitisgo nlt'éhíí behadaadelzaago dávik'eh. ²⁴Godiyihgo goz'aaníí nnee ádaagozlaahi yaaká'yú da'anii godiyihgo goz'aaníí be'elzaahíí yune' Christ doo ha'ayáa da; áidá' yaaká'yú goz'aq yune' zhá ha'ayáa, k'adíí áígee Bik'ehgo'ihí'nań binadzahgee nohwá sizijí: ²⁵Okaqah yebik'ehi da'tiséyú sitini doo dabíí bidíł dahíí yozíłgo godiyihgo goz'aq yune' dała'á lenágodáhgo onadáh, áidá' Christ doo ágát'íí da, doo Bik'ehgo'ihí'nań ya'ánádidit'áh da; ²⁶Ágánát'ííh lék'eyúgo ni'gosdzán alzaadí' yushdí' godezt'ígo bininiágodil'ííh doleeł ni': áidá' goldohíí ngonyáágee dałahńdigege datsaahíí bee nchq'íí yaa gonńnee doleełgo nyáa. ²⁷Nnee dałahńdi datsaahgo bágoz'aq, áí bikédí'go baa yá'iti'go: ²⁸Áík'ehgo Christ dałahńdi Bik'ehgo'ihí'nań ya'ideltijí, nnee ląągo binchq'íí yá daidigheehgo; iké'gee nadáh doleeł, doo nchq'híí bigha da, áidá' bikádaadéz'iiníí hasdáyiniłgo.

10 ¹Áđihyú nlt'éégo goz'aaníí Jews bich'i' begoz'aaníí doo da'anii begoz'aq da, bichagosh'oh k'a'at'éégo zhá, áí bicha hadíí dálenágodáhgee yeda'okaqahíí nadaitseedgo Bik'ehgo'ihí'nań yaa nádaayihí'niłłíí begoz'aaníí doo hadaadeszaago ádaabole' at'éé da. ²Ágádaayúgo doo dayúweh baa hi'né' da doleeł ni'; da'okaqahíí dałahńdigege hadaadeszaayúgo binchq'íí áđihgo yídaagołsı doleeł ni'. ³Áidá' áí yeda'okaqahíí nadaitseedgo Bik'ehgo'ihí'nań baa nádaahi'niłłíí dálenágodáhgee nnee binchq'íí yénádaalniłhgo ádaabiłsı. ⁴Dóoli ła'íí gant'íize bidíł konchq'íí doo yó'iiné' at'éé da. ⁵Áí bigha Christ ni'gosdzán biká' nyááda' gánniid, Ye'okaqahíí natseedgo naa hi'niłłíí ła'íí dant'éhéta ye'okaqahgo naa hi'niłłíí doo hánt'ijí da, áidá' shits'ı shá ánlaa: ⁶Didlidgo nich'i' nihi'niłłíí, ła'íí konchq'híí bigha na'itseedgo naa hi'niłłíí doo baa nił gozhq' da, nniid. ⁷Áík'ehgo gádėniid, Bik'ehgo'ihí'nań, hadíí hánt'iiníí łašłéhgo niyáa (naltsoos yisdisí biyi' shaa k'e'eshchijihíí k'ehgo.) ⁸Gánniid, Begoz'aaníí bik'ehgo na'itseedgo naa hi'niłłíí, dant'éhéta ye'okaqahgo naa hi'niłłíí, didlidgo nich'i' nihi'niłłíí, ła'íí konchq'híí bigha naa hi'niłłíí doo hánt'ijí da, doo baa nił gozhq' da, nniid bikédí'go ⁹Gánádo'niid, Bik'ehgo'ihí'nań, hadíí hánt'iiníí łašłéhgo niyáa. Iké'yú nohwá ngot'áaníí begodigháhíí bigha Bik'ehgo'ihí'nań hik'e Jews daanliiníí biłgo dantsé lángot'aq n'íí k'ihzhı' ngoden'ąą. ¹⁰Bik'ehgo'ihí'nań bik'ehgo Jesus Christ dałahńdigege dawa łayiilaago bits'ihíí Bik'ehgo'ihí'nań yaa ídeltijihíí bee hadaanohwidezlaa. ¹¹Okaqah yedaabik'ehi dała'á ntíígee dawa jji Bik'ehgo'ihí'nań bich'i' zhinéégo na'idziidi nada'iziidgo nadaazi, dáhant'é nadaitseedgo bidíłíí yeda'okaqah; da'ágádaat'ijí ndi konchq'íí doo yó'iiné' at'éé da: ¹²Áidá' Christ dałahńdigege Bik'ehgo'ihí'nań ya'ideltijí: nohwinchq'íí yá daztsaqahíí bikédí'go dahazhı' Bik'ehgo'ihí'nań dihe'nazhinéégo dahnezdaa;

13Kodí' godezt'i'go bik'edaanniihíí bikełt'ááhzhí' nni'nilzhí' yiba' sidaa.
 14Dałahndi Bik'ehgo'ihinań ya'ideltjiihíí bee nnee hadaadeszaahíí
 dąngonyáázhi' dązhq nłt'éeqo áyíłaa. 15Holy Spirit áí nohwił ch'í'nah
 ágółsi, gąnniido, 16Áí yolkaałi bikédí'go díí ngot'aaníí nnee bił ádaashłe'
 doleel, nii, Bik'ehgo'ihinań; begosił'ááníí bijíí biyi' odaahishnił, łá'íí biini'
 biká' ádaagoshłe' doleel; 17Binchq' n'íí łá'íí doo bik'ehyú ádaat'ee da n'íí
 doo dayúweh bínashnił da doleel. 18Konchq'híí bighą kaa nągodeł'aąyúgo
 doo dayúweh konchq'híí bighą be'okąąhíí Bik'ehgo'ihinań baa ch'iné' da.
 19Áí bighą shik'ííyú, itisgo godiyłhgo goz'ąą yune' doo daasiite' dago Jesus
 bidíłi biláhyú ha'áhiikáh le', 20Da'denbáálíí ilk'indlaadgo binkááyú Jesus
 nohwá ch'ígót'i'í ágółaa, ániídégo łá'íí hináhi, da'denbáálíí dishniigo Jesus
 bits'í dishniigo ádishni; 21Áídí' Bik'ehgo'ihinań bichągháshé b'okąąh
 yebi k'ehi da'tiséyú sitni nohwá silij; 22Áík'ehgo nohwijíí dił biká' hista'go
 nchq'go ánáhiit'iił n'íí nohwá nádilkqodgo, łá'íí tú nzhóni nohwits'í bee
 tánąsgizgo, haląą nohwijíí dawa bee doo nohwił nagoki dago da'ohiidłąągo
 Bik'ehgo'ihinań ałhánégo bit'ah daahqđleeh. 23Haląą doo nohwiini' nakigo
 da yaaká'yú dahazhi' ihinaahíí ndaahónđliihíí nđzilgo daahóntągo
 dayúweh baa nadaagohiłni' le'; hadín nohwá ngon'ááníí da'aniigo aníí; 24Łaa
 daanohwiini' le', iłł daanjqđ doleelgo łá'íí nłt'éeqo ánádaahitt'iił doleelgo idag
 yádaahiłti' le'. 25Ha'ánázéhyú łła'ánáhiit'iihíí doo t'ąązhí' bits'ą' shiijéed da
 le', nnee łá' ágádaat'iihíí k'ehgo; áídá' idag yádaahiłti' le': ałhánédí' goldohgo
 bidaagonłsídá' dayúweh idag yádaakti'. 26Da'anii ágót'eehíí bidaagosilzjidá'
 nchq'go bidaagonłzi ndi be'áhiidzaayúgo nohwinchq'híí bighą doo dayúweh
 nohwaa nągodit'ąhgo goz'ąą da, 27Áídá' bee kaa yá'iti'íí dązhq bégóđzidi, łá'íí
 Bik'ehgo'ihinań bihashke' kq' k'ehgo dilti'i bik'edaanniihíí daabidíłidíí zhą
 nohwá goz'ąą. 28Hadín Bik'ehgo'ihinań yegos'aaníí Moses binkááyú ni'né'i
 doo yikísk'eh at'éé da n'íí, nnee naki dagohíí taagita binadzahgee ánágót'iid
 yaa nadaagolni' lęk'eyúgo, doo hadín yaa ch'oba' dago zesdij lęk'e: 29Áík'ehgo
 hadín Bik'ehgo'ihinań biYe' doo nt'é dago áyíłsigo yiká' nayaahíí, łá'íí dił bee
 Bik'ehgo'ihinań nnee yąngon'ááníí nđzilgo alzaahíí, dił bee hadelzaahíí,
 doo yidnłsł dahíí, łá'íí Holy Spirit bits'ą'dí' ilgoch'oba'íí begoz'aaníí nchq'go
 áłłniłhíí, nnee Moses binkááyú begoz'aaníí doo yikísk'eh at'éé dahíí bighą
 zesdijhíí bitisgo goyéégo bich'i' godighąhgo bágoz'ąą shj daanołsi néé?
 30Gąnniidíí bidaagonłzi, Goyéégo koch'i' godish'aahi ánsht'ee, shíí ik'enash'né'
 ndi at'éé, nii, Bik'ehgo'ihinań. Gánádo'niid, Nnee Bik'ehgo'ihinań bíyéehíí yaa
 yakti'go yándaago'a' doleel. 31Bik'ehgo'ihinań hináhi bilák'e ch'intłizhyúgo
 négóđzid. 32Bínadaałnił, doo ániídá' Bik'ehgo'ihinań bits'ą'dí'go nohwijíí
 yune' odaadezdlaadá' góyéégo nohwich'i' nagowaago nohwiniigodelzaa ndi
 bich'i' dahdaanołđq ni'; 33Łahgee nnee daanohwineł'iiłgee daanihóh'iid łá'íí
 góyéégo nohwich'i' nagowaa ni'; łahgee biniidaagonłt'éełhíí bich'odaahniłhgo
 nohwíí ałđó' nohwiniigonłt'éeł ni'. 34Ha'ásít'iidá' shaa tídaht'ii ni', łá'íí
 nohwíyéé n'íí nohwaa hayi'niłł ndi nohwił daagozhqđ ni', yaaká'yú

nohwíyéehíí itisgo nlt'éhíí, ła'íí doo ngonel'aa dahíí gólíígo bídaagonolsihíí bigha. ³⁵Áí bigha Bik'ehgo'ihí'nań bada'otíhíí doo bits'á'zhí'go ánáhne' da, daahonohta'yúgo nzhooníí nohwich'í' nanáhi'níí. ³⁶Nohwíni'k'eh ádaanołsi le', áík'ehgo Bik'ehgo'ihí'nań áníhíí ádaahdzaada' nohwa'det'aaníí nohwíyéé doleeł. ³⁷Dét'íhého hadín hígháhíí dogaal, dáhah dogaal. ³⁸Hadín dá bik'ehyú át'éeéhíí odlá zhá yee hínaa doo, áídá' nnee t'aazhi' at'éeéhíí shiyi'siziiníí doo baa bił gozhóq da doleeł. ³⁹Ndi née t'aazhi' ádaat'eego ch'a'ondéh zhin'ééhíí doo itah daandlıj da, áídá' hadíí da'odlaqgo biyi'siziiníí hasdákáh zhin'ééhíí itah daandlıj.

11 ¹Bench'ohokíhíí da'anii begolne'go bígózigo, ła'íí hadíí doo hit'ij dahíí da'anii át'éeego bígózı, áí odlá' golzeego ágolzee. ²Doo ánidá' bádaayán n'íí daabi'odla' golííhíí bigha nlt'éeego baa ch'inii lęk'e. ³Ni'gosdzán Bik'ehgo'ihí'nań biyati' bik'ehgo ádaalzaago nohwi'odla' golííhíí bigha bádaagonlıj, áík'ehgo dant'éhéta hit'inii doo hit'ij dahíí bee ádaasaa. ⁴Bi'odla' golííhíí bigha Abel, Cain bitisgo nlt'ehi Bik'ehgo'ihí'nań yaa nainé', Abel baa nainé'íí Bik'ehgo'ihí'nań yaa nagolnı'go, Da'áígee ándzaa, nii lęk'e; áí bee Abel daztsaa ndi t'ah nohwich'í' yałti. ⁵Bi'odla' golííhíí bigha Énoch da'itsaahíí doo yígodołsił dahíí bigha yaaká'yú onábi'doltij; doo hak'ı nádaach'ot'ij da, Bik'ehgo'ihí'nań onábiltijhíí bigha; doo hwahá nábidı'dilteeh dadá' Bik'ehgo'ihí'nań yił goyiłshóqgo baa ch'inii lęk'e. ⁶Ko'odla' da'ádihyúgo Bik'ehgo'ihínań doo hagot'éeego bił goch'inłshóq da: hadín Bik'ehgo'ihí'nań bich'ı nsháh nziyúgo da'anii Bik'ehgo'ihí'nań gólíígo yosdlaqđgo zhá yich'ı nigháh, ła'íí hadín nzhqogo haintaahíí nlt'éeego ágot'eehíí bíyéé áidoliłgo yosdlaqđgo zhá yich'ı nigháh. ⁷Bi'odla' golííhíí bigha Noah hagot'éeego godegháhíí doo hwahá yígolsıh dahíí Bik'ehgo'ihí'nań bił ch'ınah ágolaago tsıdolyiz, áík'ehgo bichagháshé hasdáyiniłhat'ıhíí bigha tsina'eehı áyılıaa; áí bee ni'gosdzán biká' nnee nchq'go ádaat'eehíí ch'ınah áyılıaa, ła'íí ko'odla'híí bigha nlt'éeego ách'ıt'éeéhíí bíyéé silij. ⁸Bi'odla' golííhíí bigha Abraham ła' ni' nágot'ayú bíyéé doleełyú obi'dol'a'dá' bikısk'eh adzaago oyáá, hayú deyaa shıhíí doo yígolsı da ndi. ⁹Bi'odla' golííhíí bigha ni' baa got'aa n'yú dét'íhézhi' Isaac ła'íí Jacob biłgo gowałgai yee daagolij, ni' doo yıdaagołsini n'ıí yıká' daagolijhíí k'ehgo; Abraham baa det'aa n'ıí da'ái Isaac ła'íí Jacob baa daadest'aa: ¹⁰Abraham báđihyú yaaká'yú kih nagoznılı bit'áahgo izt'ini goliınıı yıká déz'ij, áí kih nagoznılı bik'ehgo'ihí'nań nagoshchijigo ágola. ¹¹Bi'odla' golííhíí bigha Sarah ndi binawod gozlııgo hıltsaa silij, áídı' bił łegodzaahıí bitisyú ch'ígoyáá ndi bi'ime' gozlıj, hadín baa yidin'áahıí ya'ohıhıí bigha. ¹²Áík'ehgo nnee dała'a hastiin silijgo k'azhá datsaahi ga'anolı ndi bits'á'dı' hadaahıshchiinıí yáá biyi' ts'ıłsqosé ła'ıí tábahyú sái dahdıjahıí ga'ahołqago daagolij, doo nách'oltağ at'éeé dayú. ¹³Áí dawa t'ah da'odlaqgo nanezna', baa daadest'aaníí doo hwahá begolne' da ndi bi'odla' bee nızaazhi' daayo'ijigo yaa bił daagozhóqgo begolne'go yıdaagołsi lęk'e, áík'ehgo gádaanniıd, Ni'gosdzán biká' nahiikai ndi nnee doo bígózini daandlıj, dá nakai nt'ehi. ¹⁴Agádaaniihıí

bee n̄t'éeego ndaagoléeheeí yiká hadaantaago bígózj. ¹⁵Ni' yits'á' dahdikai n'íí dá yaa natsidaakees n̄t'éeeyúgo t'áqzhí' nakáhgo bá ch'í'otaq doleeł ni'. ¹⁶Áída' k'adíí yaaká'zhí'go ndaagoléeheeí hádaat'íi: áí bighá Bik'ehgodaahi'nań bĩkĩ'niigo Bik'ehgo'ihí'nań doo bik'e ádaayándzj da, akú k̄h gozn̄l̄íí bá iłch'í'golaahíí bighá. ¹⁷Bi'odlq' golííhíí bighá Abraham, da'an̄ií bi'odlq' bighá nabídineztaqáda', Isaac Bik'ehgo'ihí'nań yaa yinłt̄íí, Abraham bee det'aa n'íí biye' dała'áhi Bik'ehgo'ihí'nańyá yizíłthee nkegonyaa, ¹⁸Áń yaa yałt̄i'go Bik'ehgo'ihí'nań Abraham gáyiln̄niid, Isaac binkááyú nits'á'dí' handóot'íił: ¹⁹Abraham Bik'ehgo'ihí'nań n̄nee daztsaa ndi náhi'naago ánáidléh yígółsi, áík'ehgo biye' daztsaađí' nábi'dihil'na' ngonoligo baa nalt̄íí. ²⁰Bi'odlq' golííhíí bighá Isaac, Jacob ła'íí Esau bich'í' ágone'íí yee yá oskaqđgo, Nohwiya gozhóq le', yiln̄niid. ²¹Bi'odlq' golííhíí bighá Jacob datsaahdá' Joseph biye'ke naki da'a'ango yá da'oskaqđ; ła'íí bigish bik'izhi' hayaa at'éeđá' Bik'ehgo'ihí'nań yoskaqđ. ²²Bi'odlq' golííhíí bighá Joseph datsaahdá' Israel hat'í'íí dahdekáh doleełíí t'ah bidáhdá' yígółsiigo yaa nagoln̄i' l̄ék'e; ła'íí bits'in hago ádoln̄iíhíí yee yángoń'áq l̄ék'e. ²³Daabi'odlq' golííhíí bighá, Moses gozłiđá' bitaa hik'e báq' bílgo mé' dénzhonéhi nłiíhíí bighá nadaayin'í'go taagi daahitaq; nant'an̄ yengon'áanıí doo yédaaldzid da l̄ék'e. ²⁴Bi'odlq' golííhíí bighá Moses báyań silłigo, Pháraoh bitsi'híí bizhaazhé bĩł idi'niigo doo hat'íí da l̄ék'e; ²⁵Ncho'go ágot'eehíí begonedłiíhíí déł'ih itah at'éhi k'ihzhi' nayiné' l̄ék'e, n̄nee Bik'ehgo'ihí'nań biyéehíí biniidaagonłt'éezhí'go itah nágodin'áq l̄ék'e; ²⁶Bik'ehgo'ihí'nań bits'á'dí' bich'í' nahi'niíhíí yiká déz'łigo, Christ bighá bik'edaach'iniíhíí Egypt biy'gee hágołdzil goz'aanıí yitigo ilłigo yaa natsekees. ²⁷Bi'odlq' golííhíí bighá Egyptđí' halwod, nant'an̄ hashkee ndi doo yénałdzid da: doo ch'o'łi dahíí yo'łiíhíí k'ehgo nyeehíí yich'í' dahnłdqh. ²⁸Bi'odlq' golííhíí bighá Moses bik'ehgo dáadıłt̄híí yiká dił yłta', ła'íí **bitis-hagowáh** golzéhi ágolzaa, chagháshé dantsé nakaihíí naitseedíí nliiníí Israel hat'í'ihíí bichagháshé dantsé nakaihíí doo naitseed da doleełhíí bighá. ²⁹Daabi'odlq' golííhíí bighá Israel hat'í'íí túsikaanıí Red Sea holzéhi hanaayú nanádn̄łsáq, ni'gosgaahíí k'ehgo ndi ch'inántsáq, n̄nee Egyptđí' daagolín̄n̄ií áłdó' hanaadnkáh daanzj ndi aqł odaaz'eel. ³⁰Daabi'odlq' golííhíí bighá Israel hat'í'í k̄h gozn̄l̄íí Jériko golzeegee binaad tséé hist'inií łedn'aahíí dała'á jłigo dałahn łenadıłséh gots'idiskaaqzhí', áík'ehgo gots'idiskaaqhíí bijłi aqł nandéeh l̄ék'e. ³¹Ráháb, isdzán nant'í' nagháhi n'íí, bi'odlq' golííhíí bighá anadaal'izi baa n'áazhgo nzhónigo yich'í' ádzaago, doo da'odlaq dahíí natseedgee doo itah zesđi da l̄ék'e. ³²Nt'é baa nanagoshni' doleeł? Gídeon, Bárak, Sámson, Jéphtah, David, Samuel áłdó', ła'íí Bik'ehgo'ihí'nań binkááyú nada'iziidi n'íí bílgo dawa baa nagoshni' hasht'łł ndihíí doo bínel'aa da: ³³Áí daabi'odlq' golííhíí bighá łahgo n̄nee hat'í'í daayisnaa, dábi'ehyú ádaaszaa, bángot'aa n'íí bich'í' begolzaa, ndóicho bizé' bá iłch'í' ágolzaa, ³⁴Kq' doo sidog dago bá álzaa, bésh be'idilłt̄ishé doo bee naztseed da, doo nadaalwod da ndi nadaalwod daasilłi, nagonłkaadgee k'a'adaat'ee daasilłi, ła'íí ył nadaagonłkaadíí bik'e dahtsıdnkij. ³⁵Isdzáné bits'á' nanezna' n'íí bá nádaabi'dihil'na'go baa na'nil;

la'ihíí dahazhí' ihí'naahíí yenaadiikáhíí itisgo nlt'ée'go yídaagotsíhíí bighą doo daazhógo benádaadichiid hádaat'íi dago goyé'ego bich'í' godest'aągo naztseed: ³⁶La'ihíí baa daach'odloh, la'íí dá habída'ch'íltsaas nt'ée, la'ii hídaach'ist'í'qo, la'íí ha'ádaach'ist'e': ³⁷La'ihíí daach'olné, la'ihíí ilk'ídaabidich'iish, la'ihíí nabídaadi'nestaqd, la'ihíí bésh be'idiltshé bee naztseed; la'ihíí dibet'íí hik'e gant'ízé bikágé bidiyágé yee nakai lék'e; tédaat'iyégo, nyéé'í daidits'ago, la'íí biniidaagodeszaago; ³⁸Áí nneehíí ni'godszań biká' nneehíí bitisgo da'ííí: da'igol'íyú la'íí dzilyú, dził bini'í'ányú la'íí leyi' da'o'ányú nakai lék'e. ³⁹Áí dawa daabi'odla' gol'ííhíí bighą nlt'ée'go baa na'goni' ndi baa det'aą n'íí doo hwahá begolne' da lék'e: ⁴⁰Néé Bik'ehgo'ihí'nań nohwáđihyú itisgo nlt'éhi yaa nohwá nagoshchij, da'ádaandihyúgo áí doo hadaabi'dilne' da.

12 ¹Nnee lání doo náhóltagyú nohwinaadyú nzhqogo daanohwinel'íígo, nt'é ndaazgo daahiideet'íí haląą nlázhzhí' ndaano'né, la'íí nch'ó'íí dayúweh be'ánáhiit'ííhíí nlázhzhí' ndaano'né' áldó', áídí' bidag ádaant'eego Bik'ehgo'ihí'nań nohwá ngon'áání bikísk'eh hiikeel le', ²Jesus, nohwi'odla' begodeyáhi la'íí aął laile'i haląą án zhą bich'í' daadéet'íí le'; án gozhóóníí báđihyú goz'aąhíí bighą tsí'ılna'áhi biká' biniigodelzaa ndi yidag at'ée'go yitis silij, bik'e ídaayągosigo dahstij ndi doo bił hago'at'ée da, áídí' Bik'ehgo'ihí'nań nant'aago dahsdaagee dihe'nazhiné'ego dahnezdaa. ³Nnee nch'ogo ádaat'eehíí bich'í' nada'idziid ndi yitis siliiníí, án baa natsídaahkees le', dah lék'eyúgo dánko hohkáh hileeh, la'íí nohwinatsekees doo ntdzil da hileeh. ⁴Nch'ó'íí bich'í' nadaagonołkaad ndi doo hak'i dił nohwiká' ndaashchii da. ⁵La'íí chągháshé baa de'nííhíí k'ehgo nohwaa de'níí n'íí baa daadisonah, gáníigo, Shiye', Bik'ehgo'ihí'nań doo alch'idéyú ánáno'í'ijł dayúgo, nlt'ée'go baa natsínkees, la'íí Bik'ehgo'ihí'nań nił destehyúgo nanákaad hela': ⁶Bik'ehgo'ihí'nań hadíí bił daanzhooníí ni'ísihgee yiniidaagodnłsj, yił ch'ígó'aahíí bighą, bizhaazhé náidnłt'ííhíí dała'a nt'íígee ni'ísihíí bighą nádainłsas. ⁷Bik'ehgo'ihí'nań nda'ołsihgee nohwiniidaagodnłsiyúgo, bichągháshé daanohł'ííhíí bighą ágádaanohwiłsj; hadín biye' gol'ííníí, biye' yiniigodnłsj, yił ch'ígó'aahíí bighą. ⁸Áídá' nda'ołsihgee Bik'ehgo'ihí'nań nohwił ch'ígó'aahíí bighą doo nohwiniinágodil'ííh dayúgo yútashchín nliiníí k'ehgo ádaanoht'ee, doo da'anii bichągháshé daanohłij da, nnee dawa doo da'dits'ag dayúgo bił ch'ídaago'aahgo yiniidaagodnłsj. ⁹Áídí' ni'godszań biká'gee daanohwitaahíí nlt'ée'go nohwił ch'ídaago'aahgo nohwiniidaagodnłsigo daadinłzi; yaaká'dí'go nohwi'Taahíí itisgo daadinłzigo bikísk'eh ádaant'eego nlt'ée go'íí, áík'ehgo zhą nlt'ée'go daahin'naa. ¹⁰Ni'godszań biká' nohwitaahíí dabíí hádaat'íiyú det'íhzhí' hagee nda'iilzihgee zhą ádaanohwił'ííh, áídá' yaaká'dí'go nohwi'Taahíí nohwá nlt'éehíí bighą ágádaanohwidnłsj, án godiyini ye'at'éehíí k'ehgo néé áldó' godiyini be'ádaant'ee hileehíí bighą. ¹¹Koł ch'ígó'aahgo ákoł'iiníí doo koł gozhó'ogo ákółsj dago koł na'dini' ndi bikédí'go hadín baa bił ch'ígót'áání nlt'éehíí biyi' nołseelgo binest'a' gol'ííhíí k'ehgo ilch'í'gonłt'éehíí be'at'ée'go

nlt'ée hileeh. ¹²Áík'ehgo nohwigan nadaahezdaahíí hadag ánádaahdle', nohwigod daaditíidíí ntl'iz ánádaahdle'; ¹³Áídí' ílk'ídézdqh intínhíí biká' ch'ínohkáh, hadín na'níłhodíí doo ch'a'odokał da doleelhíí bigha; áídá' nalwod nasdlíígo dahnadídáh. ¹⁴Nnee dawa bił t'eké daanohtíígo, ła'íí dázhó ntl'éeego ádaanoht'eego dahdaanołdqh, doo ágádaach'it'ee dayúgo Bik'ehgo'ihí'nań doo hagot'éeego ch'íłtséh da: ¹⁵Ídaa daagonohdzaa, dánko Bik'ehgo'ihí'nań biłgoch'oba'íí dábich'í' ndohkahi at'ée; dánko koł goshch'íihíí bikeghad nohwiyi' bengonyááyúgo ndéesaągo nagont'og hajéedgo, áí bee łańi daabılchqo; ¹⁶Ídaa daagonohdzaa, dánko nant'í' naghahíí nohwitahyú hileeh, dagohíí Esau holzéhi, dantsé naghahíí bigha Bik'ehgo'ihí'nań bits'á'dí' biyéé doleel n'íí dałahńdi iyaąhíí bigha baa na'hazńiíhíí k'ehgo dánko Bik'ehgo'ihí'nań doo yidńsi dahíí nohwitah hileeh. ¹⁷Bídaagonońsi, Esau ágádaahíí bikéd'go Bik'ehgo'ihí'nań bits'á'dí' nlt'ehi biyéé silíi doleel n'íígee, Dah, biłdo'niid; hichago yókeedgo ná'okaąh ndi doo hagot'éeego łaągo ánáyidléh da lék'e. ¹⁸Doo díńko bich'í' neheshkai da, dził da'anii si'ánihíí, kq' bee dilłt'íí, dagohíí godiłhiłíí, chagołheelíí, yat'ógo nyolhíí, ¹⁹Bésh dilwoshé áńíłhíí, bizhii áńíłhíí, áí bizhii daidezts'aaníí, Doo dayúweh nohwich'í' yánłti' da, daayiłniigo nádaayokaąh lék'e, doo bich'í' neheshkai da: ²⁰(Tsétahgo nakaihíí ndi dziłíí yídahi'naayúgo bił nda'ts'ilne'go dagohíí k'aa bee nabidi'tseedgo goz'aą, niigo yee hadzii n'íí doo hagot'éeego yidag ádaat'ee da lék'e: ²¹Daayo'íi n'íí dázhó bégódzidhíí bigha Moses gáníí lék'e, Dázhó nésdzidgo disłtid:) ²²Áídá' díńko bich'í' neheshkai, dził **Sion** golzéhi, ła'íí Bik'ehgo'ihí'nań hińáhi bikíłh gozńilíí yaaká'yú goz'áni Jerúsalem holzéhi, ła'íí Bik'ehgo'ihí'nań binal'a'á yaaká'yú daagolńi lenáhíłséhí, ²³Dantsé daagozliiníí yaaká'yú bizhi' ádaagoszaahíí bił daagozhóqo ha'ánáłséhíí, Bik'ehgo'ihí'nań nnee dawa yaa yałti'go yándaago'a'ihí, ła'íí yaaká'yú nnee ntl'éeego ádaat'eehíí hadaadeszaahíí bispirits bich'í' neheshkai, ²⁴Ła'íí Jesus, Bik'ehgo'ihí'nań hik'e nnee biłgo łańgot'aaníí áńidéhí nohwá sizíni, ła'íí dił kok'e hiłta'íí, Abel bidíłíí yitiso ntl'éeego ágot'eehíí yaa nagolńi'í ałdó' bich'í' neheshkai. ²⁵Bik'ehgo'ihí'nań, nohwich'í' yałti'íí, doo dah daadohńii dago baa daagonohsaą: ni'gosdzán biká'gee bich'í' yałti'ihíí, dah yiłńniidíí doo hagot'éeego bits'á' hakee da lék'e, áík'ehgo yaaká'dí' nohwich'í' yałti'ihíí hodaayéelts'aą doo hádaat'íi dayúgo, itisgo doo bits'á' haokee at'ée da: ²⁶Da'áídá' bizhiihíí bee ni'gosdzán nagohi'naa, k'adyúgohíí gáníigo ngon'áą, Yunáásyú goldohgo dałahńdi doo ni'gosdzán zhá nagohish'naa da, yáá ałdó' nagohish'naa doleel. ²⁷Áń ágáńniidíí, Yunáásyú goldohgo dałahńdi, hadíí alzaahíí nadaaha'naahíí k'ihzhí' nii'né', golzeego ágolzee, áík'ehgo hadíí doo hagot'éeego dihi'náh dahíí zhá godziil doleel. ²⁸Bik'ehgo'ihí'nań bilatł'áhgee nohwiinłgo doo hagot'éeego k'ihzhí' nohwiinłł dahíí bigha haląą ba'ihédaandzi le', áík'ehgo Bik'ehgo'ihí'nań daadnlzigo ła'íí bédaahildzidgo bił daagohilzhóqo bá nada'iidziid le': ²⁹Bik'ehgodaahin'nań kq' ndi'íłk'áhi nłni at'ée.

13 ¹Hk'isó hł daanjqohí k'ehgo dayúweh hł daanojqq le'. ²Nnee doo bídaagonłsinihi nohwaa hikaiyúgo baa daa ch'ohba'go baa daayonah hela': nnee la' ágádaadzaago Bik'ehgo'ihí'nań binadaal'a'á yaaká'df'hi doo yídaagolsj dago yá da'dezné' lék'e. ³Ha'ánshijeedí bínadaańniih, bił ha'ánshojeedhí k'ehgo; hadín bits'í biniidaagonł'éełhí bínadaańniih, nohwí addó' nohwits'í gólłigo bedaahinohńaa. ⁴Na'í'neehí nnee dawa daayidnłs le', doo ilts'á' nant'í' na'aashgo da: ch'a'o'í'nehí la'í' nant'í' nakaihí Bik'ehgo'ihí'nań yaa yádaałti'go yándaago'áah. ⁵Bestso doo bidáhzhí' ádaanoht'ee da le'; nt'éhéta ayáháhi nohwíyée lék'e ndi baa nohwł daagozhóq le': Bik'ehgo'ihí'nań gánohwińniid, Doo nits'á' dahdosháh át'ée da. ⁶Áłk'ehgo doo t'aazhí' daasiitij dago gádaan'ni, NohweBik'ehń shich'onłfi nłj, nnee hago ádaashidoliłł doo bee nésdzid da. ⁷Nohwá naziiní bínadaańniih, Bik'ehgo'ihí'nań biyati' bee nohwich'í' yádaałti' n'í: da'odlaqahí k'ehgo da'ohdlaq le', nt'é ádaizlaahí baa natsídaahkees. ⁸Jesus Christ, adaqadá' át'éełhí k'ehgo dí jji t'ah ágát'ée dahazhí' ágát'ée. ⁹Yati' iltah at'éego, yati' doo bígózini da k'izédaanohwidonłf' hela': Bik'ehgo'ihí'nań bilgoch'oba'í' bee kojíđí' ko'odla' nalwodgo áyłsigo nłt'ée, doo hagot'éego ch'iyaaqahí' bee da, á' bikísk'eh ánada'ch'ol'ijł ndi doo nt'é bee ádaach'izlaa da. ¹⁰Jews bich'í' begoz'aaní bit'áahyú daanliiní da'ch'okaaqah goz'aagee Bik'ehgo'ihí'nań baa naltéełhí la' á'gee nada'iziđí' daayiyaaqo dá'abik'eh; á' na'đziđí' bee Bik'ehgo'ihí'nań nohwá ch'ígót'í' daanzj; á'đá' Christ ts'í'lna'áhi biká' nohwá daztsaaqahí' bigha' néé Bik'ehgo'ihí'nań bich'í' nohwá ch'ígót'í'. Nnee Jews bich'í' begoz'aaní zhá yikísk'eh ádaat'eełhí doo áłk'ehgo bágoz'aq da. ¹¹Magashi, dibelł, gant'ł'ízéta nnee nda'łsiihí' bigha' nadaistseedá' bidíł' okaaqah yebik'ehi da'tiséyú sit'ni da'ch'okaaqah goz'aq yune' áyikaah, á'đá' bits'łhí' kłh goznłł' anahyú daayidíł' lék'e. ¹²Áłk'ehgo Jesus addó', dabí' bidíł' bee nnee hadaadilne' doleełhí' bigha' kłh goznłł' binaadyú łedn'aahí' dáadıł'łhí' anahyú biniigodelzaa. ¹³Áłk'ehgo néé addó' nnee Jesus daayo'ni' n'í k'ehgo daanochwich'o'ńi'go bidag ádaant'eego halaq da'anahyú bich'í' dokáh. ¹⁴Dzaagee doo nohwá dahazhí' daagondłj goz'aq da, á'đá' dahazhí' daagondleełhí' biká daadéet'ij. ¹⁵Áłk'ehgo Bik'ehgo'ihí'nań dákozhá baa náda'ne'ihí' k'ehgo Jesus binkááyú dayúweh daahohiikaqahgo ba'ihédaandzj le', bizhi' ba'ihégošigo behagohiigháh le'. ¹⁶Nłt'éego ádaanoht'eego la'í' nohwíyéełhí' iltahon'niigo baa daayohnah hela': á' k'ehgo baa náda'ne'ihí' Bik'ehgo'ihí'nań yaa bił gozhóq. ¹⁷Hadíń nohwá naziiní' bikísk'eh ádaanoht'eego hayú ádaaniiyú ádaanoht'ee le', nohwíy'isiziiní' yinádaadéz'ijhí' bigha; á' Bik'ehgo'ihí'nań nohwá ył nanágodołnihi at'ée bił daagozhóqo ádaat'ijyúgo nłt'ée, á'đá' doo bił daagozhóq dayúgo doo nohwá nzhq da. ¹⁸Nohwá da'ohkaqah: nłt'éego ádaahiit'ijgo bídaagonłzj, dawa ánadaahiit'ijhí' bee da'aniigo ánadaahiit'ijgo hádaahiit'ij. ¹⁹Shá da'ohkaqah doleełgo itisgo nánohwoshkaqah, dák'adégo nohwaa nádishdaahí' bigha. ²⁰Bik'ehgo'ihí'nań, bits'á'df' nkegohen'áání, Jesus nohweBik'ehń daztsaad' naadiidzaago áyíłaa, bidíł' nohwá ngon'áání' dahazhí' ndzilgo bee áile'í' biláhyú: nanyoodí' bidibelł' nłt'éego yináde'z'ijhí'

k'ehgo Jesus, Nanyoodíí íziso go at'éhi, bichagháshé nlt'éégo yinádéz'íi.

²¹Bik'ehgo'ihí'nań hadaano^hwidile', áík'ehgo nt'é bił dábik'ehíí dawa nlt'éégo baa nahkaigo, binadzahgee hant'é bił dábik'ehíí nohwiyi' na'iziid le', Jesus Christ binkááyú; án dázho ba'lhégoşı le', doo ngonel'ąą dayú dahazhı'. Doleelgo at'éé.

²²Nánohwoshkaąah shik'íiyú, Díí ádaano^hwildéniidíí doo bik'edaasho^hch'iigo da ndaagohoh'aah: ayáhgó bee nohwich'ı' k'eshıłchıí. ²³Nohwik'isn Timothy ch'ínádzáá láá; déť'ihégo nyáá lék'eyúgo, akú bił nánsht'aashgo nádaano^hwistséh ndi at'éé. ²⁴Nohwá naziiníí dawa, ła'íí Bik'ehgo'ihí'nań bichagháshé dawa, Gozhóó, shá daabi^hdohnii. Ítalyú daagolíiníí, Gozhóó, daano^hwi^hnii.

²⁵Bik'ehgo'ihí'nań biłgoch'oba'íí bee nohwich'ı' goz'ąą le'. Doleelgo at'éé.